

無師自通 江湖醫術祕傳目錄

上海國醫學社編輯

卷九 馬醫科

伯樂相馬法

療馬原始

四季口色形候

五臟論略

五赤

五疾

三危

五勞

七傷

十八大病

伯樂明堂論 (附易堂圖)

察色歌 (附圖)

診脈歌 (附圖)

定脈歌

三十六種起臥病源歌 (附三陰三陽圖)

馬明堂針穴論

認穴治病祕訣

伯樂畫烙圖歌 (附血忌血支圖)

馬之瘡黃疔毒治法 (附瘡黃疔毒圖)

瘡黃歌

五疔歌

十毒歌

王良啞嗽論摘要

起臥入手論

三喉治法

骨眼歌 (附圖)

渾睛虫治法

八症治法

1 寒症 2 熱症 3 虛症 4 實證 5 表症

6 裏症 7 邪症 8 正證

論馬十六般蹄頭痛

論馬春秋放太血

取槽結法則歌

馬之宜忌日

馬之玉女關

劃鼻歌

療馬藥性須知

君臣佐使用藥祕訣

療馬三十六方使用歌

療馬良方六十二種

無師自通 江湖醫術祕傳

上海國醫學社編輯

卷九 馬醫科

△伯樂相馬法

馬有驚驥。惟善相者乃能辨別。而伯樂為古之唯一相馬名家。茲將其所傳相馬祕訣論列於下。亦屬療馬者應有之智識。至於相馬分頭、眼、耳、鼻、口、形、骨、蹄、超逸、壽夭、口齒等十項分論如下。

(一)馬頭欲其高峻如削成。又貴方而重直。少肉如剝兔頭。壽骨貴得大如棉絮包圭石。壽骨為馬髮所生處。鬮骨屑側小骨。貴得廉而闊且長。額貴方而平。入肉又貴大而明。易骨(眼下之直小骨)貴得直。元中(耳下近牙處)貴得深。頰貴開展。鞅貴方(鞅頰前也)。

箱貴小而端正。上貴方曲。下貴直。骨貴成三角。皮膚貴厚。以上皆為名馬之相。倘目小而多白。則胆怯。瞳子前後肉不滿。目不四滿。上臉急。下臉淺。目赤。睫亂。眼下無肉。且不健食。乃屬傷人之劣馬。

(二)馬耳貴得相近而前立。形小肉厚而銳。狀如削竹而緊。短者為良馬。蓋耳小則肝小。肝小則識人意。若根漫闊而長者為駑馬。

(三)馬鼻欲其廣大而方。鼻內肉色欲其紅。鼻孔以大為貴。素中欲兼而張。素中(為鼻孔上)水火(在鼻中兩間)欲其顯分。

(四)馬口上唇貴得方而急。下唇歸得寬厚而多理。口吻貴得長。口中肉色貴得鮮明。上齒貴如鈎。下齒貴如鋸。頰下貴深。唇不覆齒者少。食齒左右蹉不相

當者難御。齒又貴深密齊白。白則耐久。不滿不厚者不能久走。舌貴方而薄。長而大色如朱紅者為良馬。
 (六)馬之形骨望而大就而小者為筋馬。望小就大者為肉馬。至於瘦馬貴見肉。肥馬貴見骨。馬頸貴厚而強。又貴得腦。馬髻欲得裡而厚。且折。季毛欲長而多。覆則肝肺無病。鬃欲帶由骨高三寸。胸欲直而意欲廣。肩欲肉寧。鳧間欲開。雙鳧欲大而上。(雙鳧為胸兩邊肉)膺下欲廣一尺以上。背短而方。脊欲大而抗。脊背欲得平而廣。晦筋(夾脊筋也)欲得大。腹欲充實平廣而帶垂。結脈欲多。大道筋欲大而直。(大道筋腋下巨股也)臛欲小則易養。季肋欲張。脊肋欲大而窪。從後數其脇肋過下者良。腹下要有八字。又貴有白毛。前腹欲陰前內邊逆毛入腹帶者良。駒三府(兩腋及中骨也)欲齊。骼官要長大。尾本要大而強。尾骨欲得高而垂。膝本欲得起。肘腋欲開。髀骨欲短。龍翅欲廣而長。升肉(髀外骨也)欲大而明。股欲薄而博。虎口(股肉也)欲開。後脾欲廣厚。汗溝

欲深明。直肉(脾外肉也)輸鼠欲方(直肉下出)腩肉欲急(脾裏也)間筋欲短而滅(輸鼠下筋)機骨欲舉上曲如垂箱。
 (七)馬蹄脚脛(一名垂薄)欲厚而緩。膝骨欲方。痺欲得圓。且張大如杯。孟腕欲結而促。又欲促而大。纒能容絆。距骨欲出前。間骨欲出前後前目(外骨臨蹄骨也)附蟬欲大前(自夜眼)鳥頸(後足後節)欲高。從足輔骨(後足骸之後骨)欲大。輔肉欲大而明。後脚欲曲而立。蹄欲大而厚三寸。又欲硬如石。其下欲深而明。其後開欲如鷄翼者良。
 (八)超逸馬生就龍顛突目。平脊大腹。臍(股也)重有肉。具此三美者。千里馬也。上唇急而方。口中紅而光潤。亦為千里馬。牙去齒十寸者。行四百里。牙如劍鋒者。千里。目中縷貫瞳子者。五百里。上下微或雙瞳人者。千里。關孔中筋筋及長毛者。五百里。(關孔為眼上虛處)目中具五彩者。五百里。馬耳方者。十里。耳如削筒者。七百里。耳本生角長一寸者。千里。耳

三寸者三百里。二寸者千里。羊鬚中生距如鷄者五百里。腹下陰前兩邊生逆毛入腹帶者千里。一尺者五百里。雙脚脛停者六百里。迴毛生晚入者是也。馬生墜地無毛者千里。溺過前足者五百里。溺舉一足如犬者千里。膺下如廣一尺以上者。謂之扶尺。能耐久走。脇肋從後數得十者良馬。得十一者二百里。最劣得十二者千里。得十三者天馬。腹下平滿。直肉方股薄而博。肘腕開展者皆善走。

(九) 壽天相馬壽天。先看馬目。其中五彩具備。及眼箱下有字形者。壽八十。鼻上有紋如王公者。壽五十。如火者四十。如水者三十。如山如水者亦三十。如个者十八。如四八如七者。又旋毛在眼箱上者四十。在值箱骨中者三十。在值中箱下者十八。口中見紅白光如穴中着火者老壽。若里不鮮明。盤不通明者不壽。

(十) 三十二歲口齒訣。一歲駒齒。二兩歲駒齒。四三歲駒齒。六四歲成齒。二五歲成齒。四六歲肉牙生。七

歲角區缺。八歲盡區如。一。九歲咬下中區二齒白。十歲咬下中區四齒白。十一歲咬下中區六齒白。十二歲咬下中區二齒白。十三歲咬下中區四齒白。十四歲咬下中區六齒白。十五歲咬下中區二齒白。十六歲咬下中區四齒白。十七歲咬上中區六齒白。十八歲咬上中區二齒白。十九歲咬上中區四齒白。二十歲咬上下齊平。二十一歲咬下中區二齒黃。二十二歲咬下中區四齒黃。二十三歲咬下中區六齒黃。二十四歲咬上中區二齒黃。二十五歲咬上中區四齒黃。二十六歲咬上下盡黃。二十七歲咬下中區二齒白。二十八歲咬下中區四齒白。二十九歲咬下中區六齒白。三十歲咬上中區二齒白。三十一歲咬上中區四齒白。三十二歲咬上下盡白。

▲療馬原始

療馬不外察色診脈。其法創自馬皇。皇係黃帝時聖師。姓馬氏。封號師皇。具有生知之異稟。識陰陽之運氣。知五行之盛衰。相馬牛之形神。診馬牛之脈息。定

方案以療馬牛疾病。應驗如神。其與黃帝辨論馬之脈色及馬之心肝脾肺腎名曰師皇五臟論。議論宏暢。主理高深。非三折肱於此道者。難窺其奧旨。故不一律選輯。僅擇說理淺顯。適合速成之用者。分列於后。因本書偏重實地引用。不載學識。專輯病狀與醫治及藥方。分論於下。庶與本書宗旨相合。

△四季口色形候

馬無病即無口色可辨。有病之馬。可驗口色而辨其病在何經。亦猶人病看舌苔也。凡春季馬口中現青色。病在肝難治。若變黑色者可治。謂水生木也。變白者不可治。謂金剋木也。夏季馬口中現赤色者。病在心難治。若變青色者可治。謂木生火也。變黑者不可治。謂水剋火也。秋季馬口中現白色者。病在肺。雖治若變黃者可治。謂土生金也。變赤者不可治。謂火剋金也。冬季馬口中現黑色者。病在腎。難治。若變白者可治。謂金生水也。變黃者不可治。謂土剋水也。凡四季下旬口中黃者。病在脾難治。變赤則可治。謂火

生土也。變青者不可治。謂木剋土也。

△五臟論略

天地生物人。為貴馬次之。傳曰行天莫如龍。行地莫如馬。周時有八駿九逸之名馬。特設專官司牧養。名曰牧師。圉師。療馬法創自師皇。至秦穆公時。更得伯樂以發揚之。是即馬醫之嚆矢。蓋馬任戰陣之先驅。稟天地生成之氣。而具四足。天有五行。三光。馬有五臟。三大。天有日月。馬有眼目。天有四時。七星。六律。馬有四肢。七竅。六脈。地有八山。四瀆。馬有八竅。四蹄。地有江海溝渠。林木。馬有腸胃血脈。鬃毛。一年有三百六十日。馬有三百六十穴。亦有三百六十骨節。即天頂骨。腦骨。額骨。額角骨。眉稜骨。眼箱骨。垂睛骨。閃骨。鼻梁骨。鼻隔骨。鼻素骨。頰頰骨。松子骨。上頰骨。下頰骨。上排齒骨。下排齒骨。上下四十齒骨。舌連骨。耳筒骨。伏兔骨。項鎖骨。六十二節。喉骨。髀骨。三十二節。著甲骨。膊犬骨。弓子骨。枚子骨。搶風骨。臄骨。臄車骨。肘骨。裏乘重骨。外承重骨。開筋骨。膝蓋骨。膝骨。角骨。

夾膝骨。附骨。髌膝骨。脛跗骨。髀骨。髌骨。柱蹄骨。蹇蹄骨。蹄胎骨。掌骨。子骨。節梁骨。二十三節。肋扇骨。兩面二十四條。棚子骨。兩面十六條。邊骨。兩面六條。三山骨。節脊骨。尾靶骨。三十二節。尾跗骨。雁翅骨。大膊骨。小膊骨。掠草骨。合子骨。烏筋骨。揭骨。羨藜骨。鶴鼻骨。天定骨。鹿節骨。鼻筒骨。越骨。○前面有四門。後面有四門。門皆相對。馬有一百五十九道明穴。並在一百八十道白鍼。一百八十道火鍼之內。各有去處。夫鍼則無害。補鍼有義。偏較一絲。不如不鍼。又有上穢中穢下穢。上穢是左潭脈。中穢是帶脈。下穢是腎脈。穢爲汚血也。馬有三堂。六脈。三堂者。一胸腔。二玉堂。三不堂。六脈者。一耳根不動。二耳脈不散。三口色不惡。四舌色不弱。五膈前有七道命脈不絕。六膈後有七根命毛不側。此名六脈。至於五臟。肝主眼。腎主耳。脾主唇。肺主鼻。心主舌。眼耳鼻唇鼻舌謂之外。心肝脾肺腎謂之內。醫者見其外。卽知其內。內外相應。認症用藥。何患不痊。按馬之大腸如口。小腸如海。頭心肺

腎如四海。頭爲髓海。心爲血海。肺爲氣海。腎如水海。血海如溝渠。大腸長一丈二尺。象一年十二月。小腸長二丈四尺。象一年二十四節。呼爲內。一匹四蹄。象八字。四八三十二。馬頭高八尺。似八節。呼爲外。馬之始祖。亦有父母。父名屈強。母名屈女。屈女生女。得飛兔。飛兔生得麒麟。麒麟生得馬。馬得驛。凡馬有三百六十骨節。三百六十穴。已如上述。又有二十萬二千一百一十經之受病毛竅。一馬有三斗六升血。出氣爲喘。入氣爲息。無病之馬。一日一夜有三萬六千一百五度喘息。有病之馬。一日一夜有三萬六千一百三十五度喘息。馬有六腑。胆爲清淨之腑。大腸爲傳送之腑。小腸爲受盛之腑。膀胱爲津液之腑。三焦爲中之腑。醫馬者。先問病根。次審筋脈。附圖見後。復聽喘息。便知生死。春季三個月。肝旺。七十二日。肝屬東方甲乙木。每一日一夜。血脈流轉二百四十遭。夏季三個月。心旺。七十二日。心屬南方丙丁火。每一日一夜。血脈流轉一百八十遭。秋季三個月。肺旺。七

十二日。肺屬西方庚辛金。每一日夜血脈流轉六十遭。冬季三個月腎旺七十二日。腎屬北方壬癸水。脾屬中央戊己土。並無正形。四季各旺十八日。馬有四百零八病。內四病不見。餘則春夏秋冬四季各管一百一病。內四病不見者。即口中啣鐵。背上搭鞍兩邊垂鏡。令人乘騎是也。馬若有病。當對症發藥。肝納酸。脾納甜。肺納辛。心納苦。腎納鹹。又當知馬有七連。耳連腎。舌連心。肝連眼。脾連唇。齒連骨。鼻連肺。尾連腸。凡馬瘦貴得見其前肩。肉馬肥貴得見其頭顱骨。以外更有五赤。五疾。三危。五勞。七傷。十八大病。分論如下。

【五赤】鐵磨口角爲一赤。磨膊爲二赤。肚帶磨破肘

下爲三赤。磨梁擦背爲四赤。磨破尾下爲五赤。

【五疾】垂屢不收腎之疾。氣加攢椽肺之疾。塞唇如笑舌胎如硃砂心之疾。兩眼不能見物肝之疾。

【三危】馬鼻出血是肺危。眼內生瘡是肝危。馬陰發腫是腎危。

【五勞】爲筋勞。骨勞。皮勞。氣勞。血勞是也。筋勞者因久步而得。終日馳驅。放而不曠。遂發蹄痛。凌氣之病。骨勞者因久立得之。驟而不起。遂成癰腫。疲勞之病。皮勞者因久汗不乾而得。其狀雖驥起而不振。毛遂成俠脊。摩熱病。氣勞者因汗未乾息而即進以飼。飲得之。其狀雖振毛而不即噴氣。遂成苦氣不通之病。須緩繫。樞上而遠餵草。其氣可通。血勞者因馳驅無時得之。噴氣而溺不通。須強行高繫。得飲即溺。

【七傷】寒傷熱傷。水傷飢傷。飽傷。肥傷。走傷是也。按寒傷者因寒天飲宿水。繫寒處得之。其病令馬毛時掌發顫。熱傷者因暑月乘騎過勞。飲餵不時得之。其病令馬煩燥。悶亂。水傷者因騎回便飲多量之水。停滯不散得之。遂令水結腸胃。積聚而成病。飢傷者馬已飢。更奔走遠路。既至。卒然飲餵得之。遂令心脾氣結。草料不消。飽傷者因乘騎而便飲。餵兼吃草太猛得之。其病令馬腸胃結聚。糞下遲。

緩是也。肥傷者因馬臆大乏力得之。走傷者因馬急走太過得之。若不速治能令馬肉斷脂消氣不續也。

【十八大病】心肺壅極。致成抽腎。百脈閉塞。心將作黃。血瘀不通。欲成墨汗。風捉四肢。人脊爲疴。胞轉不正。腸必入陰。痰連喘急。變成痞積。傷料過度。變作腸黃。盛飢餓急。多作後結。飽後失水。遂成前結。曾吃消石。多患木腎。頻之錯喉。水殺自併。跑地覲腸。腸中必痛。二盛喘粗。肝肺氣塞。傷肥肉重。變作嘔退。胸膈熱毒。額中發瘡。久濕飲渴。膀胱結水。臟冷氣虛。腸鳴如雷。久伏積熱。腦黃並起。


△伯樂明堂論 附圖

秦穆公問於伯樂曰。馬於春首針刺出血者何謂也。伯樂答曰。人受氣於癸。癸者陰水也。水主腎。腎主精。故精氣多而血氣少。受氣於丙。丙者陽火也。火主心。心主血。故血氣多而精氣少。馬必用針刺出血者。不使血氣太盛而爲疾病也。穆公又問曰。出血必於春

首者何也。伯樂答曰。春者木也。夏者火也。馬爲火畜。生於寅。旺於午。於春首針刺分調血氣。不致大盛。至夏則榮衛調勻。不致遠過而生諸疾也。穆公問曰。馬牛週身有十二道經脈。三百六十道絡脈者何也。伯樂答曰。經脈者。血筒也。絡脈者。穴孔也。凡針血穴者。必先於明堂經內。窮究血道穴孔。推詳所治之準。則然後選擇天氣精明。月令益虛。晦朔弦望。與夫本命

火針氣針明堂之圖

六脈出血明堂之圖



少陰腎經膀胱病。右臍右脈右邊搏。風關氣關命關
定。左手食指按風關。肺與大腸於斯應。中指從來診
氣關。脾病胃病由此定。名指診破命關元。厥陰包絡
三焦病。此謂陰陽十一經。診者詳心手。應浮沈瀉
滑細詳。外感內傷斟酌定。飢飽勞役辨重輕。風寒暑
濕分衰盛。諸部若能指下明。諸疾無差醫藥應。

△定脈歌

脈跳如弦下手知。一息三至號平宜。陰陽兩脈俱相
配。更加一至更無虞。舌如蓮色鮮明潤。唇似桃花更
色輝。四肢輕健行無倦。糞潤尿清睛不迷。皮毛光采
精神飽。鼻氣溫和來往隨。頭尾不動後蹄歇。四季如
斯百病無。口腥舌穢無顏色。形狀離常脈部殊。鼻流
膿涕連聲嗽。皮毛焦燥瘦羸輸。頭眩耳搭精神少。四
肢倦怠步行遲。面浮鼻腫雙睛閉。腹細腰弓喘息微。
四百四病依章典。八百八治按經書。天有五星辰宿
位。馬有五臟立身軀。肚屬正宮甲乙太。三个十二似
荷垂。肝盛日亦多夥沮。肝屬睛昏翳膜瘀。肝風眼爛

生瘻肉。汗冷流水泪淋珠。肝危脹腫頭垂地。肝虛目
閉口難和。唇毒目瞪肝經絕。力敗筋輸肝木虧。心屬
南方丙丁位。貴爲帝王膈前居。心熱舌乾多吐之心
攻唇口足瘡。痰心虛無事多驚恐。心痛彘狂脚步蹊。
心黃獲緊逢人咬。心寒吐水膈中迴。心有七竅通於
舌。玉戶金關能潤滋。舌如蕢豆心經死。汗出如油心
血危。肺爲丞相庚辛位。不受風邪膈上居。肺壅鼻中
繞清涕。肺熱蓮啞鼻。痰脂肺風擺頭多鼻。肺寒白
沫口中垂。肺毒藏身毛退落。肺勞遍體發瘡。肺類
氣抽全部敗。鼻中血出肺全危。

腎屬北方壬癸水。膀胱爲腑號津液。腎壅耳聾難聽
事。腎虛腿腫步行遲。腎熱耳根黃腫起。腎冷拖腰脚
不移。腎傷馬牙頻咬動。腎虧骨痿瘦難支。垂綫不收
壬癸敗。靛膊拖腰腎水虧。脾無正形分四季。脾弱唇
寒草料稀。脾衰吐草饒翻胃。脾虛面腫鼻如肥。脾寒
身頰毛如刺。脾熱唇焦內漸虧。脾不磨時草不化。脾
黃起臥喘微微。頭低眼腫脾經敗。肉瘦毛長戊己虛。

五臟相傳於外應。陰陽衰盛總須知。陽盛生黃多腫毒。陰盛多癰。偏發疽。陽虛兩目流清淚。陰虛腿腫筋艱難。熱盛生風。冷生氣。飢飽風寒勞役拘。暑傷六腑風傷肺。役傷風。部瘦傷脂。寒傷腰。膀飢傷肉。行傷筋骨。立傷蹄。勞傷心血。濕傷腎。飽傷五臟。困傷肺。遠來飽草多傷胃。乘飢喂急。臟先虧。料後飲多偏令結。空腸過飲。瀉無疑。驟行飲急。先傷肺。卸鞍帶汗甚。虧皮。伏雨苦淋。秋有疾。霜零久露。肉偏輸。酒糟喂久能揩。擦。火炭熱。睡燥皮。毛迎風飽飲。饒空嗽。濕傷久臥。腿難移。熱料充腸。偏燥尾。水潭苦洛。腎多虧。老衰動洗。生癰。換凍草。飢冷胃。必熱。熱盛喘粗。心肺壅塞。唇似笑。冷傷脾。咬齒低頭。心有痛。收腰不起。腎經虧。急起。急臥脾經痛。口吐清涎。胃冷。躑躅腰踏地。尿胞轉。擺尾伸腰痛。可知迴頭。觀腹腸中痛。氣虛臟冷。腹如雷。跑胸咬臆。關前結。鼻膿腥臭。肺經虧。百脈閉塞。心黃起。肺心壅極。腎抽蹄。傷肥肉重生。腿腿。咳逆喘急。變瘡。痲血瘀不通。成黑汗料傷過度。臟黃。痲。糞。泥。立。久。

多生瀉。遠驟無。挫血注蹄。久渴空心。飲過濁。毛焦。臄瘦。水停臍。飢飲餓。冷生。水腎。羽毛誤食。哭聲。催。草。飽水中。休令驟。臄。肥。下。領。不宜。騎。遠來。有汗。休教。飲。緊。拴。莫。近。巷。糞。堤。汗。息。去。鞍。停。卸。轡。寒。暑。無。便。諸。疾。稀。八十一難師皇論。七十二汗聖賢書。三十六點兼蹄痛。二十四毒腫黃。瘻。五絕三危十二腫。醫者仔細用心。推。色。察。口。中。須。注。意。脈。憑。指。下。要。精。微。唇。青。如。醜。春。必。天。舌。赤。似。砂。夏。必。虧。白。如。枯。骨。秋。無。治。黑。似。烟。煤。冬。不。醫。鼻。脈。診。來。如。雀。啄。一。息。一。動。死。須。知。忽。去。忽。來。無。接。續。亂。如。毫。髮。入。幽。居。捧。行。似。醉。如。高。下。目。瞪。看。人。亦。似。癡。見。此。病。源。休。妄。作。諸。方。揀。盡。莫。能。醫。經。書。之。內。分。明。說。聖。人。法。則。古。今。垂。

▲三十六種起臥病源歌

(一)前結病。病中前結莫言無。起臥時時喘氣粗。
 (前結病者)冷熱相繫。因飲失時。結在大腸四尺。前結也。是陽明經受其病。又云大腸與肺為表裏。主其氣海。因馬糞塞定。氣下不通。例流入肺起喘息也。咬。

臆頻頻人不識。切須用藥莫遲延。咬臆者病在大腸前四尺。屬心肺悶絕而咬臆爲人不及察。其馬臥地仰天口嚙胸。胸中痛甚也。消石膩粉并通草灰汁生油一合酥。苦酒都將和合了。灌下之時病自瘥。

(二)後結病。後結起臥必須知迴頭覷腹糞又遲。(後結之病源。因乘騎困乏吃草太急而成。結在大腸四尺後。由冷熱不和致成。後結其馬時時回頭覷其腹。)非汁生油於穀道。手取急須用藥醫。灌藥搽行二三里。核腹猶如未病時。滑石牽牛朴硝等分研末。豬脂油調灌。

(三)熱痛。良馬雖然千里程。忽沾熱病少精神。(熱病者因良馬奔馳千里。久熱侵其骨髓。兼春秋不放六脈之血。不依四時晡嚼積熱傷臟腑與魂魄故精神不振。)口中似火多頓臥。眼內如砂不轉睛。(心火上升。則口中似火。肝受積熱。睛不轉。)撲硝甘草各一兩。漿水相合要半升。雞子調和嚙下口。更須針鼻四蹄輕。

(四)冷痛。冷痛頻頻臥。夢四蹄畏展或難收。(因久渴飲冷水太多。致傷胃四蹄。跪而昂頭。冷傷脾胃也。)往往雷鳴聲在腹。時時脚跪更迴頭。藥用細辛并陳皮。用水三升煎數沸。古皂角艾葱鹽水。熨噉火熨病自瘥。

(五)小腸結。馬病須看向小腸不痛。二臆越尋常。(因乘困吃水太多。兼冷熱不和。傳於小腸水盛而逆氣交結。)每度顛來多仰臥。不收四足鎖舒張。(肉顛小腸痛。四足直上不能收。)續隨膩粉并通草。蛇女生油滑石方。嚙後擦行三二里。自然病可得安康。

(六)水穀併。第六須看水穀併。汗出頭低起臥輕。(因飢渴飲飽失時。吃料太急。飽走太過而成。)右左頻頻看腹肋。用藥如前嚙一劑。還將麻子湯爲藥。疾遂消除似虎瘳。

(七)權隔損。損着權隔切須知。出氣頻多起臥遲。(吃飽走急。鼻氣壅塞而損權隔。胸中氣痛)酥蜜半

升并白芷更添沒藥與當歸甘草麒麟竭骨碎補當歸各
必定轉安康處方 香白芷麒麟竭骨碎補當歸各
等分爲末用酥蜜半升調灌

(八)腸黃 第八腸黃喘氣粗回頭後顧脈徐徐欲
得病初帶血脈大黃梔子朴硝居大黃黃連同爲散
蜜共猪脂燻卽除(馬黃之起因由積熱傷肺肺受
熱傳入大腸乃變爲黃其脈徐徐者形證衰也回頭
後顧者腸中疹痕痛也)

(九)黑汗 第九醫家用妙方渾身肉顫汗如漿(本
症因久熱傷心肺兼之春秋不抽六脈血又不依
四時嚙嗜血脈壅滯又因熱困傷心乃出黑汗)先
去尾尖十字勢後須汗出用三方羣依蒙腦淋新水
撥汗衝候人糞搶眼別三紅宜少許是須明記返魂
香

(一〇)脾氣 第十脾家起臥難擺頭打尾上唇塞
(本症因乘困飲水太過以致寒氣傷脾擺頭打尾
胃痛也)顛臥有時立即倒垂腰無力似風癱先針

膈上兼針鼻氣藥生薑嚙卽安

(一一)心黃 十一心黃不轉睛咬身用力痛無聲
本症因五臟積熱注於心肺久而不治乃變爲黃少
陰病)麻黃大豆并鷄子煎水連嚙便惺惺又方鬱
金黃連散速將此藥下猪清

(一二)腎黃 十二醫家看腎黃搖曠時時喘便忙
(腎黃之起源因久熱奔走太急致傷內腎遂變爲
黃)踏地舒腰立即倒入屍腿兩傍相(兩傍者
針其穴也)更抽尾下微微血朴硝油水蜜衝腸又
用解毒消黃散(處方見後)便是師皇伯樂方

(一三)氣痛 馬患氣痛不調和腹脹時時騷臥多
(氣痛因大飢乘困吃草太急既飽又過分急走肺
氣受傷而成)口白更乾毛逆燥肺家壅滯便成疴
白朮麴本當歸散酒煎連嚙莫蹉蹉時須加生薑
蜜三服必定見消磨

(一四)腦黃 心肺積熱生腦黃口中沫出又衝牆
(本症因心肺積熱日久致腦中生黃)汗出打尾啗

涼藥。腦開二孔。典淋漿汗。出傷心。熱極打尾。心閉用水淋之。每朝新水頻淋。腦藥仍須性要涼。若於六脈針流血。便是神農真藥方。

(一五)胞轉。胞轉。蹲腰踏地跑。時時驪臥尾。蠻稍。(本症因久渴不得飲。驟飲太過。以致水盛積於小腸。反而受傷。成胞轉。)水草不食。頻臥。要知病狀。是尿勞。(心悶。腰腹腎胞。俱劇痛。故臥。)塗手用油於穀道。止後。牽行三五遭。左右人手須撥正。小便通下。見醫高。

(一六)草噎。馬患草噎。病堪醫。口中沫出。又遲遲。草噎者。氣噎也。因乘飢困而吃草料太急。而成口中沫出。乃因陰陽不和。便把繫韁繫後脚。急行十步。莫狐疑。皂莢瓜蒂。芸薹子。急須吹鼻。不遲宜。又方便。下順氣散。(見療馬驗方欄)不噎之時。聖乎奇。

(一七)內腎損。馬患難醫。是腎災。脊梁著地。四蹄抬。(本症因飽食。走急路。困乏。致傷內腎而成。)後脚稍空。如此病。方中無一免輪迴。(內腎有十二條。

筋。通遍全身。又曰腎必命門。)盲醫不會。由自強。良醫看了。不堪才。

(一八)腸斷。馬患腸斷。不堪醫。渾身肉顫。攢四蹄。拋糞之時。須起臥。(本症因太飽而走太急。鼻氣不及。出致傷其腸。)良醫見後也。心疑。憑君獸醫。推國手。若逢此疾也。難醫。

(一九)大肚結。馬患須看大肚結。喘急。肚高。時時歇。(本症因久寒。傷脾。傳入胃中。冷惡。不知故成結。)小便打尾。且奈何。螻螂通草。豬油。熱。蜈蚣。鼠糞。共相和。五味。將來。銜斷結。

(二〇)腸入陰。馬病難醫。腸入陰。回頭看。醫示醫人。(本病因走路太急。更因過渴。飲冷氣。盛而入腸。入陰。致成此病。)腎囊一冷。一邊硬。如此。疑其有鬼神。後代。欲除根本。疾。良醫。術妙。所當親。

(二一)肉斷。肉斷。元因。走不安。四蹄。不舉。重如山。(本症因馬肥而飽。走太急。盛者。因心及五臟。俱損。)但抽尾。本胸膛。血。須至。平和。不再看。更有。消黃。止痛。

散便是周時八駿驄。

(二二)水掠肝。馬因過飲傷其肝。兩眼如癡似淚。漫行動之時如醉狗。因無法治從略論。

(二三)罹膈傷。馬患難醫罹膈傷。鼻內時流血水。漿膈損目昏兼腹脹。治療方法待推詳。

(二四)板腸病。板腸不轉非難治。起臥時時賺腹高。本病因吃草太過。更兼渴飲飽食。走急而成。

五朝七日未痊愈。氣逆頻頻奔後腰。草灰鼠糞猪油熱。續隨膩粉合為膏。五味煎來同合下。直數銅鐵也磨消。

(二五)水噎。水噎起臥少人知。縮項蹲腰汗漉蹄。本病因噎水太急。兼併冷氣而成。口中清水涓涓。

滴。醫生見之亂猜疑。火急方中看藥餅。胸前捍棒不宜遲。又方則用五香散。方見後。

三江血出病須移。(二六)肉髓。肉髓起臥汗微微。忽覺心狂左右覷。

本病因太肥而走太急。脂肉損而汗出。肉動渾身顫。颯颯無令醫者亂猜疑。但用針刀向後覷。腎堂尾

本兩般名。又方蔚金並梔子。消黃治脈共扶持。

(二七)脾虫咬膈。咬膈起臥最為危。不在五臟及章篇。草料喂時依舊吃。牽下棚來裏眼眠。本病因馬身有虫而繫馬注氣之處。致脾虫走入肝腸而成。

(一)勞動醫人袖上覓。摘却之時即見安。

(二八)蹙著五。蹙著當時四蹄攢。為緣血脈不通。連。本病因久熱飽走春秋。不放血多血滯而成。

(一)五日七朝不醫治。腰曲頭低行路難。火急方中看藥餌。抽其六脈自然安。

(二九)肺痛。肺痛起臥喘微微。口內如綿要辨之。本病因飽食走太急。損傷五臟及肺氣也。或即腦前多有汗。此時用藥不宜遲。沙糖乳汁並鷄子。消黃治肺共扶持。嚼之三。上若無效必定拋。亡無復疑。

(三〇)大肚傷。馬患須看大肚傷。臥時不起汗淋浪。本病因太飽走太急。或因水穀不能回轉。致傷大肚而成。喘粗鼻咋兼肉顫。鼻內時流糞氣漿。哽氣之時胃必損。哽有靈方病也亡。

大肚而成。喘粗鼻咋兼肉顫。鼻內時流糞氣漿。哽氣之時胃必損。哽有靈方病也亡。

(三二)心痛 心痛病臥有殊功。口內如花脈帶洪。或則胸前多有汗。大黃紫苑麥門冬。生薑甘草並鷄子。羌活茯苓肉蓯蓉。九味煎來同嚙下。便是王良妙藥功。

(三三)腎痛 腎痛起臥病微微。簇簇攢攢起臥遲。(本病因飢困走急傷着內腎而起)口鼻尾尖須出血。腎棚針增更何疑。茱萸厚朴當歸藥。溫酒相和煎嚙之。

(三三)冷水傷 馬因吃水傷胃腸。立妙方中看臥蠶。舌下赤時傷腸胃。臥蠶白者別觀占。(本病因久渴飲水太多致傷大小腸)芎藭白芷當歸藥。細辛陳皮共相兼。好酒同調灌入口。便是神醫用手拈。又方豆蔻並肉桂。生薑酒下聖經言。

(三四)中結 病中中結要言論。衰頹時時起臥頻。(本病因冷熱交困而成)要將雙脚跑胸臆。看腹回頭意欲伸。續隨膩粉並通草。郁李瞿麥共調勻。以酒與水相對合。嚙下之時病即痊。

(三五)吃生料 穀豆金生喂駿駒。太嫌生硬眼難舒。(本病因喂料失時。五臟受邪氣兼之。讓走太過。穀豆不消而成)滑石膩粉並通草。灰汁生油一合酥。六味煎來稍冷嚙。即能馳驟向長途。

(三六)邪痛 忽逢邪病用心看。白汗流時兩眼翻。麝香瓜蒂吹鼻內。上唇出血即時安。


○論割牛驢馬行針微血迴 刀砭日

刀砭者日之惡煞也。唐太史呂氏折著一年四季分之是。故春以亥子夏以寅卯秋以巳午冬以申酉。此謂四時日熬之刀砭。陰陽凶神之太忌。凡割牛驢馬。鑿腦開喉打鼻穿捲徹血行針割。癭瘤取槽結瘡科。外表金刀一切忌之。○歌曰

春日行針防亥子 夏月行針忌卯寅

九秋巳午針非吉 三冬申酉犯刀砭

火烙盡格明堂之圖 開鑿巧治明堂之圖



△馬明堂針穴論 明堂圖見前

人有三百六十細絡。馬有一百五十九道明堂。馬穴不足人穴者。蓋人為萬物之靈。乃有三百六十六穴。馬獸類也。受天地之餘精。得五行之末半。體元氣而少。全明堂所載一百五十九道明穴。足太極週旋之半。至春秋時。西秦伯樂將軍孫陽氏為相馬名家。考察明堂。鮮明針穴。乃有八十一道溫穴之針。八十一道補瀉之針。七十三道徹後之針。十二道巧治之針。通前徹後。共有二百四十四針穴。針穴各有部

位名稱。大別之。則有火針血針之分。火針者。絡脈之針。血針者。經脈之針也。絡脈者。喉門為首。風門。肺門。次之。經脈者。老眼脈為首。鵠脈。帶脈。次之。明堂。經云。頰下一指。乃喉門穴。二道。眼後四指。乃眼脈穴。二道。耳後一指。乃風門穴。二道。耳後二指。乃伏兔穴。二道。耳孔裏面。禁穴。二道。頂門之上。通天穴。一道。腦勝左。右腦。膈穴。二道。旋睛。鬻下。六風門穴。三道。印堂之上。龍會穴。一道。眉眼之間。垂睛穴。二道。眼胞之上。睛膈穴。二道。大眼角內。骨眼穴。二道。大背裏面。睛明穴。二道。黑白睛中。開天穴。二道。眼下一指。三江穴。二道。眼下二指。大脈穴。二道。鼻孔外面。氣海穴。一道。鼻梁兩邊。鼻膈穴。二道。鼻孔之中。幼堂穴。二道。鼻尖兩面。鼈芽穴。二道。唇尖之上。抽筋穴。一道。牙關外面。開關穴。二道。口內上。痢玉堂穴。一道。食糟上面。通關穴。二道。食糟之中。糟結穴。二道。眼後二指。太陽穴。二道。頰下四指。鵠脈穴。一道。氣額之下。喉膈穴。一道。弓子骨上。弓子穴。二道。膊骨兩旁。肺門穴。二道。肺攀穴。二道。搶

風骨上。搶風穴二道。衝天穴二道。膊尖中。膊尖穴二道。膊欄穴二道。肘骨後面。掩肘穴二道。乘燈穴二道。臆骨之中。心膈穴數道。羅膈兩邊。胸膈穴二道。膈下二指。同筋血二道。夜眼之內。夜眼穴二道。膝蓋乘重。膝脈穴二道。攢筋骨上。攢筋穴二道。乘重骨間之中。穴二道。乘重骨下。週門穴二道。三寸骨間。天平穴二道。寸下腕中。纏腕穴二道。羊鬚之內。明堂穴二道。蹄胎骨上。蹄頭血二道。蹄掌後面。蹄門穴四道。蹄甲之下。垂泉穴二道。肘骨之上。肘膈穴數道。前來兩旁。滯中穴一道。肘骨之中。肘骨穴二道。肘後四指。帶脈穴二道。平膜兩邊。五花穴十道。肚腹之下。黃水穴數道。肘前一寸。肚口穴一道。肚臍三寸。雲門穴一道。脊背之間。斷血穴二道。接脊背上。百會穴一道。接脊骨前。腎胸穴二道。接脊骨中。腎膈穴二道。接脊骨後。腎角穴二道。雁翅骨下。丹田穴二道。路股穴二道。大膀骨間。大膀穴二道。小膀穴二道。膀瓦骨中。汗溝穴二道。邪氣穴二道。膀瓦骨下。仰瓦穴二道。牽腎穴二道。膝

堂之上。臚膈穴二道。臚膈穴二道。膀內兩旁。上窌穴二道。次窌穴二道。中窌穴二道。下窌穴二道。掠草骨間。掠草穴二道。膀當裏面。膀當穴二道。下面一指。腎堂穴二道。相對腎囊。督穴二道。外腎縫上。陰膈穴二道。腎囊之中。千金穴一道。腎尖之上。腎尖穴二道。曲尺之間。曲尺穴二道。合子骨上。合子穴一道。鵝鼻骨間。烏筋穴二道。鵝鼻骨下。板筋穴二道。鹿節骨中。鹿節穴二道。後蹄肘間。天日穴一道。後蹄腕內。纏腕穴二道。羊鬚之內。勞堂穴二道。蹄掌兩旁。蹄門穴四道。蹄之下。垂泉穴二道。尾根兩旁。尾端穴二道。肚門上面。蓮花穴一道。尾根下面。尾本血一道。尾梢之上。尾尖血一道。此為二百四十四針顯名之穴。馬病約有四百零八種。大半可用針治。茲將針法申言如下。

▲認穴治病祕訣

行針先明穴道去處。次明補瀉迎隨。呼吸淺深。八十一針。補氣瀉氣之法。八十一道。微經微血之針。惟脈穴相連。針穴須知脈理。凡眼脈至尾水穴。是上六脈

同筋至蹄頭穴是下六脈。○眼脈穴在眼後四指。是穴入針二分出血。用療臟熱。眼腫淚下病之類。○鵠脈穴在項下四指。是穴入針三分出血。療五臟積熱。壅毒。措擦穴勞之症。○胸膛穴在臆兩邊。是穴入針三分出血。療心經熱。壅滯。膊之切痛病。○帶脈穴在肘後四指。是穴針入二分出血。療黑汗及瘡黃病。○督穴在腎尖兩邊相對。是穴入針二分出血。療腰間滯氣及腎臟風邪。把膀病。○尾本穴在尾根底四指。是穴入針三分出血。療一切滯氣及腰痛。○同筋穴在裏乘重臆骨下四指。是穴入針一分出血。療閃擊。着乘重滑腫痛。并心疽病。○夜眼穴在夜眼下四指。此穴禁止不針。○曲池穴在兩後脚雁翅骨下曲盤曲處長療。入針三分出血。療癩翅骨腫大及鶴鼻骨腫痛等病。○膝脈穴在膝下四指。筋前骨後。此穴入針二分出血。療閃擊。着夾膝骨腫皮骨勞跛。○躡腕穴在前攢筋骨上。後鹿筋骨上。筋前骨後。是穴入針三分出血。療骨節腫痛。板筋腫病。封裏至效。○蹄頭

穴在前脚川字上。後脚八字上。共四穴。入針二分出血。療攢筋。鹿節骨腫痛。及蹄胎腫毒。痛用藥封裏。○裏外項上共十八穴。即上上委。上中委。上下委。中上委。中中委。中下委。上下委。下中委。下下委。以上十八穴。入針一寸三分。療項脊依低頭不行。火針不較。即烙。若是血氣壅塞。即出胸膛。鵠脈大血。用火針於八窞穴。尾前短筋以後。兩面共有六針。并八窞穴。是七穴。各去脊梁四指。是穴一寸五分。若是冷風吹者。或雨水淋着。或臆腑冷氣流傳。須灌補暖溫皮氣藥。若遇重傷。骨髓內斷。血穴不通。須燂暖補血。脈止痛藥。并用火針。○膊上八穴。兩面共十六針。用火針各一寸。療血脈凝滯。肺氣把膊。反膊尖骨腫。大腫痛病。膊上八穴。名稱膊尖。膊欄。衝天。搶風。肺門。肺攀。掩肘。乘鏡。○膊上八穴。兩面共十六穴。名曰巴山路。肢大。膊小。膊汗溝。仰瓦。邪氣。牽腎。火針各一寸。療內腎積冷。抽把。膀病。○弓子穴在弓子穴上。四指。是穴入針一寸三分。拔洩動皮。入溫氣。療膊怯。氣滯病。○腰上三

穴兩面共六穴。腎棚、腎膈、腎角，并接脊骨前百會。共七穴。去脊梁四指，每穴相離四指。火針一寸五分。療內腎邪冷氣把腰痛。○肝膈穴在左裏仁畔。從後第五肋裏去脊梁一尺五寸。是穴火針一寸。療一切肝家之病。○脾穴膈在從後第三肋裏。自脊梁仰手却合手。是穴火針入一寸。傷冷療胃脾脾塞打顛脾不磨病。○肺穴膈在從後第九肋裏。去脊一尺五寸。是穴火針入一寸。療肺氣滯及肺痛病。○兩耳中有禁穴二道。不得針刺。○大風門穴在兩耳根後面一指。是穴火燒烙鐵圍烙深三分。油火療卒中破傷風并諸風。○風門穴三道。在額上檐睛鬢下。是穴火燒烙鐵烙深三分。療肝昏腦黃病。○通關穴二道。在舌根底下兩邊。是穴入火針二分。出血。療六脈閉塞。舌本脹病。○玉堂穴在口內上齶第三稜。是穴入針二分。出血。仍用鹽擦之。療五臟伏熱腦壅末口黃病。○開關穴二道。在口內兩頰上腫處。是穴火燒烙鐵烙二分。入鹽擦。噴涼藥。療上焦灌熱。嘔水草難病。○喉門

穴二道。在頰下一指相對。是穴病輕用火針。通關各入三分。病重用火燒烙鐵。開其骨脹緊脹。嘔水草難病。○喉膈穴在頰下四指。是穴針。刀割開眼。圍二寸透氣。療熱病呀田及東類黃倒病。○雲門穴在大馬臍前二寸。小馬二寸半。是穴火針一寸。漆勝脫甫冷。停留宿水。○蹄門穴在蹄兩邊。是穴火燒烙鐵角點。烙出膿油。塗療腰閃并彈子頭腫痛。點脚病。○天白穴在蹄門上窩子。是穴用粗火針入三分。療久患蹄病。○伏兔穴在耳後二指。是穴入火針三分。療項緊硬病。○骨眼穴在眼內。先將針線穿過骨眼邊。頭左手牢把線。右手用刀割去骨眼。不許割看水輪。療骨眼遮障。心如不割。即眼不見物。○心膈穴在臆骨上。如患心症黃病。用白針。鍍十餘針。針出黃水。或血。將鹽一分。緊上針入。拔出黃水毒氣。如不醫。療成瘡。透心肺。○板筋穴在膝下。如患板筋大便。用烙鐵點烙。○鹿節骨穴在鹿節骨上。骨前骨後。是穴入針二分。出血。療失節腫痛病。○尾尖穴在尾尖上。是穴針

五分出血。療黑汗病及疽尾病。○肚口穴。此穴通流小便。不能行針。○膝癰穴。在軟膝上。是穴火針三針。各入三分。療腫垂緊。便氣痛細病。○血堂血。在兩鼻內。入針三分。出血。療肺熱。攻注鼻腫痛。○三江大脈穴。在鼻梁兩邊四指。是穴。入針二分。出血。療鐵氣攻注。類骨腫痛。骨勞跛痛病。○垂睛穴。在眼上四指。是穴。如患腫痛。毒氣不散。白針鏃之。○鬢甲穴。在脊梁前高處。是穴。如患一切腫痛。用白針鏃。消散毒氣。○掠草穴。在曲池上。是穴。入火針三分。三針。一名療腿。療拽膊病。○鑿口穴。在口角兩面。是穴。如患鑿口黃病。用烙鐵烙深三分。長寸半。○外乘重穴。在膝上五寸。是穴。入火針三分。療閃着腫。或臄腹。攻注腫痛病。○垂泉穴。在蹄底雀舌。用尖頂烙深三分。療久患蹄漏。腫病。毒氣不出病。○陰膾穴。在外腎後。中心縫上。是穴。火燒了。子烙深三分。用火灸油塗。腫陰腎病。大及腎病。

▲伯樂畫烙圖歌

○畫烙膊龍骨歌 用 膊骨腫痛病難移。當因打損受災危。火烙之時畫。用字藥針敷。燻見功奇。
 ○畫烙搶風骨歌 ⊗ 搶風骨大說根基。皆為折損。是因依。用火燒鐵田。字烙自然痊愈。不須疑。
 ○畫烙肘骨歌 个 疼痛肘骨把脚拖。為因傷折不調和。按其骨節三。又烙立時輕。健病消磨。
 ○畫烙硯子骨歌 双 硯子骨大為因何。蓋為打傷腫痛多。用火燒鐵梔子烙。免令失誤得安和。
 ○畫烙大膊骨歌 十 大膊腫痛掩脚行。辨清此症是高明。骨穴兩頭三。點烙更添十字。便安甯。
 ○畫烙掠草骨歌 采 掠草骨痛損傷多。本因骨脹脚難拖。麻葉烙葉須平穩。塗油針治便消痲。
 ○畫烙膝蓋骨歌 ○ 膝勞腫痛最難任。踏路虛閃敗涎生。注膝穴內須出血。火烙週圍即得寧。
 ○畫烙付骨垂歌 ⊗ 付骨垂病侵於膝。行時直脚多饒失。火烙之時亦還粗。用藥濟消為第一。
 ○畫烙合子骨歌 呂 合子骨脹說根基。皆為轉

損是因依筋分。雁爪須消散。自然痊可不須疑。

○畫烙烏筋骨歌。烏筋脹病怎生醫。筋轉之時受災危。火烙十字圈。油塗消散是為奇。

○烙攢筋骨大歌。三攢筋骨大為何。因失節之時是其根。川字火烙藥擦。便是家妙手真。

○烙蹻蹄骨大歌。一蹻蹄骨脹最難醫。因傷子骨是根基。蹄門穴內微針刺。須將烙鐵媚蛾眉。

血忌之圖



血忌者日之凶神也。須依時令分之。是故正月逢丑二月逢未三月逢寅四月逢申五月逢卯六月逢酉七月逢辰八月逢戌九月逢巳十月逢亥十一月逢午十二月逢子。療病者三百六十八獸穴道九道明堂一十二道。經烙十八巧治開津火針火刺審六氣。

計六脈微血。鑿腦開喉。取渾睛。割骨眼。開眼。割腹。一切停止戒之。有歌云。

血支之圖



針烙忌閉日

閉日者血支凶日也。一月二三逢之。是故正月丑日二月寅日三月卯日四月辰日五月己日六月午日七月未日八月申日九月酉日十月戌日十一月亥日十二月子日。此是血閉之日也。凡獸者百腑不通。諸經閉塞。醫療者諸穴不宜針刺之。

△馬之瘡黃疔毒治法

馬有瘡黃疔毒二症。瘡黃之起因。皆由氣血流行太過。不極所致。瘡者氣之衰也。氣衰則血瀉。血瀉則侵於肉理。肉理淹滯乃化為膿。此為瘡之病源。黃者氣

之壯也。氣壯則使血離經絡溢於膚腠鬱結而血瘀。乃化為黃水。此為發瘡發黃。基於氣血盛衰之別也。病源不同。治法亦異。蓋瘡者形傷氣。宜先治瘡而後理氣。黃者氣傷形。宜先導氣而後治黃。但是黃有水。黃陰黃。陰腎木腎之分。凡飲水太過。停立不動。陰氣生而侵於腎。腎水相合。水勝而火滅。雖有氣而無熱。侵於臍者為水黃。侵於袖口者為陰黃。侵於外腎則為陰腎木腎黃也。腎部生黃。陽者硬而多痛。陰者軟而不痛。陰腎木腎腫者如石如水。行者腰拖膈拽。凡氣血衰敗之羸驢瘦馬。患者甚多。醫家治療此症。先觀其外行。辨其寒熱。或硬或軟。或陰或陽。然後施治。或則滋陰降火。暖腹溫中。以補腎。尚香散加葱酒。噴之三服。必瘳。此為瘡黃之治法。疔毒者瘡黃之異名。雖形殊而名異。其理一也。蓋疔者疽也。因日久乘騎遠道。鞍履失於解卸。瘀汗沈於毛竅。敗血凝注皮膚。者甲梁頭。搽鞍手膜。兩邊發生而腫者。或因汗結。鞍氈擦磨打破而傷者。其狀有五。即黑疔。筋疔。氣疔。水

疔。血疔是也。凡乾殼不腫。僅表傷皮者曰黑疔。春關潰而起。黃膜傷筋者曰筋疔。破流黃水而傷其氣者曰氣疔。浮大無頭而傷膜者曰水疔。赤色破潰多水而傷血者曰血疔。此為五疔之別。治療必擇晴明天氣。勿近檐巷。以鋒利針刀刺破。割去死皮潰肉。再以防風散煎湯待溫。刷於瘡口。洗淨黃水血膿。若係黑疔。用醋麵糊調塗。以斷續散（各藥處方見後）若為筋疔。氣疔。以草烏散為末。乾貼之。水疔。以烏金散乾貼之。血疔。用葶藶散為末。塗貼。以上五疔治法。俱先用防風散煎湯洗淨膿水。次以各藥貼之。隔日再洗。再貼。凡三日而瘳。毒者亦是瘡。乃六腑之中。毒氣血凝結而成。其症有十。即陰毒。陽毒。心毒。肝毒。脾毒。肺毒。腎毒。筋毒。氣毒。血毒是也。馬之兩胸腔及後膊全部生癩。癩者陰毒也。兩前膊及梁頭。脅背生毒。腫者俗稱肥瘡。乃是陽毒。兩牙關中及舌上有赤色之瘡者。乃是心毒。兩眼下及淚腔中有赤瘡。久而不瘳者。乃是肝毒。兩唇角及口破裂而血出者。乃是脾毒。

枯步不移。此謂陰陽十類毒。智者分調十種醫。陽毒陰醫涼藥。曬陰瘡。陽治火針。施硬腫無膿。燒鉄烙。腫盛膿多用藥。拘潰肉滿。益煎湯洗。膿消復腫。配藥敷。六脈該針。微去血。消黃內托。兩相持。瘡口生肌。膿血盡。臟腑調和諸毒愈。

▲王良啞嗽論摘要

馬之啞嗽。多生於肺。蓋因皮毛者。肺之合。皮毛先受邪氣。以從其合。而又食邪入胃。胃氣上升於肺。肺與皮毛內外合邪。主氣客氣。兩相繫迫。即令之啞嗽。而肺氣清瀉。不分外感內傷。以及五臟六腑失調。皆能成啞嗽。各有形狀。可驗。肺啞之狀。啞而喘息。有音。鼻流膿涕。心啞之狀。啞前而蹄跑。地是心痛也。至於六腑之啞。因肺啞不已。大腸受之。啞則氣喘。鼻流膿涕。甚則屁出而遺糞。心啞不已。小腸受之。啞而前蹄跑塵。甚則咬齒。頭垂於地。肝啞不已。胆腑受之。啞則頭常左顧。甚則口吐而有黃涎。流出脾啞不已。三焦受啞。則頭常右顧。甚而嘔吐。則有長虫出。腎啞不已。膀

胱受之。啞則懸其後脚。甚則小便而遺溺矣。久啞不已。三焦受之。啞則毛焦草細。鼻出臭膿。身體羸瘦。四蹄虛腫。肚腹脹滿。逆氣積聚於胃。關治法。不外斂肺清肝健脾滋腎和血順氣。調六腑。各從其類。考證用藥。自能着手成春。

▲起臥入手論

起臥者。外感潮濕風寒。內傷飢飽勞役。冷熱相感。陰陽不順。氣血不調。臟腑疼痛不寧。因之起而復臥。臥而復起。或因久渴不飲。驟飲冷水太多。以致冷氣入胃。或因羸瘦過餐。宿冷。或因老衰。久露風霜。或放牧被陰雨苦淋。或繫向濕場。濕氣透入肌肉。傳入脾經。脾嚙四旁胃潮百脈。以致陰盛陽微。氣血不順。腹中作痛。而忽起忽臥。或因暑日乘騎負重。乘飢喂熱料。熱草。熱邪內積。五心煩躁。腹中作痛。亦令之起臥。又如空腸料後飲水。遠歸宿草。喂急。痰裏草。停寒於膈。前水充料。積聚於腹內。以致脾胃不和。無方化導。陽明經內受病。傳在大腸九積之間。不能運轉。左右聚

糞成結。氣脈不得通宣。腸中閉塞不利。心胸悶亂。疼痛。遂成起臥之疾。此之謂七結之病。馬之大腸一丈二尺。內蟠九曲。九積。四積受氣於前五蟠。受結於後。小腸二丈四尺。其形八積。八蟠。三蟠受精。五積納水。如江河之道。路運水穀以出。肛內轉於臟腑。外應皮毛三十萬三千一百一十腠理。及二尸三竅。表裏無虞。此謂內通外達而運動也。內經云。結症者。實症也。停而不動也。止而不行也。水停不運而爲胞轉之疴。料塞不通。遂成臟結之病。如是者。其狀有七。故云。暗藏七結。以外又有外三結。凡前結中結後結。垂結。吊傳背子結。大肚板腸結。謂之七結。又曰。靠門結。順手結。小腸結。謂之外三結。小腸結。卽是胞轉。外三結者。結在廣場之內。塗油入手。立時見效。七結者。暗藏於玉女關中。臟腑之內。假如施針用藥。入手未必見功。蓋馬之大腸長一丈二尺。內蟠九曲。九積。而人手長不過二尺。如何能入丈二九積之中。不通玄妙而妄治。焉能起死回生。近世獸醫不察病源。不知迴避。凡

遇起臥之疾。不辨真假。卽進一手於穀道中。不見病。糞袖手無言。因而損傷腸胃。十死無一生。而著名獸醫。入手之前。必先細察病根之深淺。辨症明確。先將右手指甲。剝盡於石上。磨滑齊肉。不致縮傷腸胃。先以溫煖油。水三升。嚙馬穀道。次將油。水於醫者臂膊上下。潤濕通滑。免教入手。澀滯。然後用塗油。手徐徐入大腸。九積及左右前後穿腸。慢慢尋取。若遇橫弦立肚。玉女關津。卽須迴避。以免損傷。并於別竅中。搜尋。既遍。凡於滑硬如球。打手者。則爲病之結。糞不可鹵莽。卽取須看結糞。在何所。其大腸一丈二尺。凡在前四尺者。爲前結。中四尺者。爲中結。後四尺者。爲後結。凡塗手入肛門。廣腸而有結糞者。此爲外三結。越三結而前。於板腸中有結者。乃大肚板腸。三背上覺有懸硬而結。乃垂結。背手也。垂結之前。手伸而不到者。乃爲吊結。宜將馬縛。倒臥地而取之。此爲七結之症。狀若遇結於板腸之前。大腸之中。九積之內。人手直硬。祇得抹見。而不能取出。醫者須從容不迫。以右

手大指虎口。或以四指尖梢。於腹中磨定硬糞。應對無偏。膈腸輕輕按切。以病糞破碎為驗。但有一二破碎者。其餘無不通利矣。總之秘結治法。徐入則緩燥。則潤澀則滑。秘則通。氣則順。如鼓桴相應。無不效矣。

△三喉治法



三喉者。額黃、槽結、喉骨脹也。三者皆咽喉閉塞之症。亦為急率之病。且咽喉為芻水之驛。遞臟腑之關津。

氣血之道路。蓋馬為火畜。象稟離宮。蓄養失調。喂飲無節。春不抽六脈之血。夏失嚙清涼之藥。以致血氣大盛。熱積心胸。傳之咽喉。而成病。凡寒暑失調。或因氣血流行不足。脾胃受之。則成五勞七傷之疾。倘榮衛往來太過。心肺受之。則生三喉之症。或食糟脹大。或咽喉哽腫。或燥癢結之於舌下。或梗核填塞於喉中。呼吸難通。水草難咽。喘粗氣逆。鼻孔流膿。首項難低。此為三喉症狀。治法先理氣。次清咽。抽鶴脈洩其

肺火。放胸堂瀉徹心壅。再於喉門通關穴。輕則火針。重則火烙。診察盛衰。詳別虛實。對症施治。如食槽內有瘰癧結脹者。就槽結穴中。以針刺破。取出病核。便是槽結。額黃喉脹。宜斟酌療治。倘為氣喉腫。合食額不能通伸。頭直項偏。并生黃喉。內有聲如鋸者。十死無一生。不可輕用針刀。妄加攻治。惟咽喉平順。呼吸不通。微腫無黃者。方可開割喉膈穴。在頰骨下去喉門四指中心（參看明堂圖）。凡三喉閉塞。就喉膈穴中。先用針鈞搭起大皮。捻轉。用利刀割如小手大圓瘡口。仍用其鈞。再將膜皮搭起。用快刀割去白膜。勿傷排額肌肉。迴避食喉血管。細心將氣額脫骨。輕剝一節。以中指尖稍先透其孔。搜尋血塊。涎膿。并用指粗大小竹筒一節。開竅安於孔穴。可令胸壅解洩。呼吸流通。


△骨眼歌

馬有三十六起臥。醫者人人都讀過。多因寒暑失調。和為緣。喂養陰陽錯。肚腹結痛轉胞疼。偽學呼為骨

眼臥。誤將閃骨用刀剜。一病未除加一禍。古來骨眼
翳遮睛。初患渾如粟米形。漸成長大似魚鱗。那般方
許針鉤卸。腹痛何由犯。眼輪骨眼烏。能有起臥。戒哉
學要細推詳。五輪閃骨休傷錯。治法觀形察病受風
則驅散。熱則清涼。氣則調順。不可輕用刀針。

骨眼之圖

混眼之圖



馬眼生渾睛。虫不居五臟。不在腸中。又非榮衛相傳
之病。皆因放牧失期。外感疫邪。注之於目。陰陽交混。
咬化而成形。內經云。三秋之月。如夜間而有黑霧者。
幼馬五更不可放牧。因郊野有棘刺。刺中有蛛網。網
中有露水。水中有療黃。馬食其草。誤搗蛛窩。蛛絲露。

△渾睛虫治法

水誤入於目。感天地之疫氣。受蜘蛛之精水。兼之目
輪屬火。故水火相交。陰陽變化而成虫。在五輪中不
住游走。猶如蛟龍戲水。日久渾得睛生翳膜。黑白不
分。不治旋成痼疾。欲治則藥點火。皆暗皆無效。玄
妙治法。避忌風寒。陰雨。刀風。血忌（見後）等日。擇晴
明天氣。將馬繩縛立正。穩平。用左手睜開馬眼。辨別
渾睛。白膜。近下黑睛。向上兩間中心。是開天一穴。用
線纏定。白針尖長一分。右手持針於開天穴上。輕手
急針一分。虫隨水出。見效如神。

△八症治法歌

（一）寒症。寒症都因冷氣侵。久渴多飲不勝陰。緊
拴簾卷因風襲。放牧荒郊被雨淋。腥酸邪物凝於胃。
天寒冷水臟中停。回頭觀腹頭把地。伸腰擺尾顛伶
就。鼻寒耳冷塞唇笑。腸中虛氣響雷鳴。除濕健脾三
聖散。乾薑木（木通）朴酒鹽葱。同煎三沸。溫和。確自
然病去得安甯。
（二）熱症。熱症多因暑氣傷。由來陰不勝其陽。炎

天負重乘騎遠。熱料冷多滯胃腸。內外合邪表裏熱。雙鼻洪數口如湯。喘粗鼻咋精神少。頭低耳搭眼無光。鶻脈兩針須索出。歸苓芍粉四賢涼。常備四賢散。蜜水調和共同燻。便是師皇妙藥方。

(三)虛氣。此症皆緣氣血虛。衝真散亂兩相虧。虛浮而腫頭垂地。膀軛腰拖行步遲。耳搭目閉精神少。腹細毛焦喘息微。臥多立少腸鳴瀉。口色如綿脈瀉遲。茴香七補頻頻嚙。香散七補散。處方見後。汗溝百會火針施。十朝半月知衰盛。草少危羸壽不齊。

(四)實症。實症原來止不行。為緣血脈不流通。凝於肌肉成瘡癩。結在皮膚變作癩。腸中七結皆為實。樽下三喉為實生。渾睛骨眼瘡黃腫。形異名殊各不同。開喉鑿腦并開瞭。塗油入手臟中尋。各從其治君須記。用藥用針古法道。遂實症名目繁多。如三喉七結等。或以針。或以藥。或入手。重者開喉開臙。割骨眼針歪尾取賊牙。

(五)表症。馬牛為物。亦稟五行。苟失其養。疴療萌。

生。騎乘卸鞍。賊風乘入。毛焦臙吊。渾身筋急。四肢僵硬。口內涎垂。耳緊尾直。外感風邪。治法宜慎。表症治法。宜徹鶻脈。放胸膛。烙風門。灸百會。燻發汗。追風散。數日平定。

(六)裏症。馬有五臟抱陽負陰。諸內為裏。臟腑皆同。內傷有感。寒暑相侵。寒凝瘡腫。熱盛黃生。血凝氣痺。氣凝血疼。形傷於氣。氣傷於形。隨形顯症。以症為名。惡黃十二。仔細觀形。偏次東類。肺腎肝心。脾腸腰臙。不可生癰。此而有症。治宜慎重。

(七)邪症。正氣不守則生狂。所偏不及致其殃。陰陽錯亂真元敗。氣血凝滯臟腑傷。衰羸飢餓乘騎遠。寒暑相侵邪入腸。毛焦氣喘渾身顫。精神恍惚汗淋漿。行如酒醉無高下。目瞪癡呆亂接牆。頂上風門三道烙。頂邊鶻脈兩針強。甯心定志硃砂散。三朝二噲服安康。

(八)真證。馬正身強臟腑甯。無偏無倚號端平。乾坤有正醋盤秦。寒暑清平萬物榮。馬牛有此精神爽。

尿清糞口中紅脈平色正無疴療氣血調和臟腑甯

△論馬十六般蹄頭痛

十六馬蹄痛各有部位分之曰蹄胎脹痛蹄骨腫痛蹄甲薄痛蹄甲裂痛蹄甲枯痛蹄尖腫痛蹄掌腫痛外根腫痛乾竅漏痛濕竅漏痛穿心漏痛穿掌漏痛羅圓漏痛旋蹄瘡痛蹄瘡痛此為十六般蹄頭痛之名稱患之難以乘騎療治宜仔細認明是何種蹄痛然後對症發藥養息數日即可復原

△論馬春秋放大血

馬受氣於丙丙者陽火也火主心心主血故氣血多而精氣少馬之必須針刺出血者不使血氣太盛而為病也必於春首放血者因春屬水夏屬火水火相生也於春首刺針分調血氣至夏季而榮衛調勻不生疾病

△取槽結法則歌

槽結元從胎裏來。臟中飲血不能開。胃氣時時隨母出。血毒流傳結在須。食槽裏面將刀割。醫士仔細用

心開少去兩邊舌下肉。蛾眉迴避輪涎出舌胎傷。由方療犯着蛾眉蓋禍災。

△馬之宜忌日

○馬本命日 九月己日。十月亥日。十一月午日。十二月子日。
○放血忌日 春寅午戌。夏己酉丑。秋申子辰。冬亥未己。

△馬之玉女關

玉女關者在穀道之前。蟠腸之內。臟腑交接之所。有橫弦一道。長一尺二寸。橫於大腸九積之中。直抵內腎腰窩之下。名為玉女關津。又名橫弦腸。

△割鼻歌

四歲以下受臚時。傷肥肉重少乘騎。精神惚恍多驚悸。偏身痛癢發瘡。氣海穴中用刀割。勻停八字兩邊垂。三焦熱毒俱洩出。萬里長途任意馳。馬至四五歲有臚者。方許割之。蓋取鼻孔寬大。呼吸通利。不生熱症。

▲療馬藥性須知

○引經藥 心經腎經屬少陰。獨活官桂引。肺經屬太陰。白芷葱白引。胃經屬陽明。竹根白芷升麻引。三焦屬小陽。胆經屬少陽。肝及包絡屬厥陰。概用柴胡引。腸及膀胱屬太陽。大腸屬陽明。皆用薑本羌活引。

○瀉火藥 黃連瀉心火。知母瀉腎火。梔子黃芩瀉肺火。白芍瀉脾火。黃芩瀉大腸火。黃柏瀉膀胱火。柴胡黃芩瀉肝火。知母黃藥酒炒降陰火。

○和血藥 破血用桃仁。活血用當歸。補血用川芎。調血用延胡索。逐血用紅花。止血用當歸。首化血用蒲黃。養血用當歸。身行血用當歸尾。和血用全當歸。

○理氣藥 順氣用烏藥。補元用人參。破滯氣用枳殼。青皮調鬱氣。用木香。正氣用藿香。降氣用沈香。按理氣為療馬之最要。因馬病莫不由氣凝而成。故也。而氣有冷氣濕氣逆氣滯氣與其他諸氣之別。苟肺部受邪。邪火上炎。有升無降。流行太過。不及。以致氣凝血滯。鬱結結絡而成瘡癩。凝於膚腠而成黃腫。凝

於前半身。胸疼臍痛。凝於後半身。膀拽腰拖。近世獸醫概以木香為理氣要藥。倘遇陰火衝上。用木香反助陰火為邪火。宜用知母黃藥酒炒降之。少用木香為佐收效必宏。

▲君臣佐使用藥秘訣

調諸氣以木香為君。枳殼青皮為使。紫蘇子當歸為佐。同剋制陰火。用知母黃藥酒炒降之。少許木香為佐。不可重用。退三焦火以黃耆為君。茵陳黃連為佐。柴胡黃麻為使。升麻引之。煩渴貪水。以人參為君。烏梅乾葛為使。白茯苓蘆根為佐。援腰腎以齒香為君。川練子葫蘆巴為使。杜仲巴戟破故紙為佐。官桂引之。心氣黃以硃砂為君。伏神為使。黃連人參遠志為佐。獨活引之。腹痛以橘皮為君。細辛白芷檀榔枳殼為使。原樸當歸為佐。啞嗽用款冬花為君。知母貝母為佐。馬兜鈴桑白皮為使。鷄子清引之。喘甚用甜葶藶為君。梔子黃芩為使。天門冬麥門冬為佐。通腸以續隨子為君。大黃朴硝為使。酥

油通草爲佐。瀉肝火用黃連爲君。青箱子石決明。草決明爲使。黃芩石膏爲佐。久瀉不止以肉豈蔻爲君。牽牛漢苦陳皮爲使。猪苓澤瀉爲佐。胞轉以茵陳爲君。澤瀉燈心滑石木通爲使。酒炒知母黃柏爲佐。鼻腹不止以大黃爲君。知母馬兜鈴山藥枳杷葉爲使。秦芫百合爲佐。勞傷用益智仁熟地黃爲君。當歸白茯苓爲使。諸風解表用川烏附子爲君。爲佐。羌活獨活天麻全蝎爲使爲臣。

▲療馬三十各方使用歌（內有未註明藥量者當隨症候之重輕隨時酌定。各方或用詩句或用詞調。取其順口易讀。自能牢記不忘）

茵陳散。四季調裏之一。春季曬此藥歌曰。茵陳連風俱等分。漿水生薑蜜共煎。卒熱喘粗廉草竣。（此句不解）三春曬此即安甯。
消黃散。夏季曬此藥歌曰。知母使苓草。二子用黃金。新水調蜂蜜。消黃大有功。

理肺散。秋季曬此藥歌曰。知母山梔蛤蚧升麻天麥門冬。秦芫百合馬兜鈴。防已枇杷等分。白藥天花蘇子。乾山貝母相停。蜜和糯粥共調。勻肺痰鼻腸神應。

茴香散。冬季曬此藥歌曰。茴香厚朴玄胡索。芍藥當歸益智仁。黑皮陳皮川練子。荷葉青皮與木通。一十三味同爲末。葱白三根酒一升。童便半盞同煎。曬溫中煖後妙如神。

補益當歸散。治馬胎前產後。西江月云。當歸沒藥海帶。蒲蘆荷葉紅花。自銅故正及胡巴。虎骨破龜酥化。骨補連翹益母。麒麟芍藥甜瓜。胎前產後足頑麻。升酒調煎曬下。

消風散。治馬肝經風熱。閃骨生癢。歌曰。肝經風熱兩眼昏。四蹄如住不能行。大小二背生瘻肉。兩胞翻腫閉難睜。骨眼穴中先令割。癩癩病骨莫留存。眼脈南針須出血。消風散曬有功能。井泉乾菊龍胆草。黃連青箱與防風。木賊蟬蛻蒼木蔚。甘草黃

本石決明。旋覆花。膏俱等分。猪苓。蜂蜜兩勻。停。藥之。一雙。同作使。米泔調。嚙即除根。

平胃散。開胃增食料。歌曰。蒼八廿三陳厚五。七。棗。

同擱五片。煮。升水共調煎一沸。胃寒少食。嚙安康。

大七傷散。調理。嚙羸牛。瘦馬。添臄。歌曰。知母貝母。漢防已。青皮。陳皮。用乾。黃。虎。骨。芍。藥。當。歸。炒。瓜。蒞。

桔梗。川。大。黃。豆。蔻。人。參。破。故。紙。茯。苓。甘。草。使。使。苗。香。

茵陳。益。智。香。白。芷。檳。榔。官。桂。廣。木。香。水。和。猪。脂。煎。

三沸。馬。使。羸。牛。嚙。便。康。

益胃散。治馬翻胃吐草。西江月云。益智檳榔豆蔻。

白陳朮芍。藥皮細辛五味（五味子也）共當歸厚。

朴砂仁官桂甘草木香白芷川芎草果青皮薑三。

棗七煎同嚙。酒煮能醫翻胃。

厚朴散。治馬脾胃受寒。不食草料。歌曰。厚朴青皮。

五味子。牽牛官桂與砂仁。升酒同煎加麥冬。脾寒。

草慢效如神。

清肺散。定喘歌曰。桔貝藍根一處搗。甜草甘草共。

相隨。蜜和糯粥調。童使。能將惡喘立時痊。

橘皮散。治馬黃芽起臥。歌曰。枳木青陳朴與當。

枳壳青皮陳皮厚朴當歸。木通甘草共檳榔細。

辛白芷兼官桂砂仁益智與苗香。飛靈一捻葱三。

蒸苦酒同調煎作湯。不論黃芽並冷痛。嚙下之時。

即便康。

馬價丸。治馬臄結。西江月云。巴豆續隨通草。大黃。

香附靈脂。瞿麥甘遂共相隨。大戟牽牛滑石。豆肉。

淨用用三。其餘二兩無移。兩醋九糊為油。酒搗嚙。

下便能通閉結。

黃藥子散。美水草治肺。歌曰。草芍川當歸。雙雙母。

子歸。蠶汁兼童便。勞傷諸疾愈。

款冬花散。治咳嗽。歌曰。款冬黃藥及人參。白故殭。

蠶與鬱金。再加蜂蜜兼童便。和陽調嚙餘生。

青皮散。止瀉歌曰。歸朴青陳白五炒。赤芍益仁生。

燕搗等分加水（一升）一處熬。冷腸泄瀉嚙之好。

七補散。治馬七傷及非時起臥。歌曰。青皮川練子。

乳沒自然銅當歸川紅豆茴香益杏仁芍藥并官桂滑石與木通葱酒當時灌起臥效如神。

滑石散 治馬小便溺瀉西江月云路地蹲腰不溺

滑石罌麥燈心猪苓澤瀉共茵陳知母黃蘗酒浸

升水調煎三沸更加童便和勻空腸灌下半時辰

濁瀉尿難神應

當歸散 治馬胸膈痛歌曰立地時兩足忙頻頻

換脚痛難當騎來走急因拴繫矢於梓散致其殃

腔內兩針胸膈血當歸散嚙是奇方天花白葉枇

杷葉桔梗當歸與大黃芍藥牡丹同作使沒藥紅

花黃藥良水煎三沸加重便散放三朝病自康

半夏散 治馬口吐涎沫歌曰良馬唇邊吐沫涎防

風半夏與枯礬升麻蕎麥生薑蜜和漿調嚙立時

安

香露飲 治馬中暑歌曰感暑炎天遠出奔肺心塞

極氣相攻四肢倦怠行無力兩目蒙腫閉不睜

連香薷同花粉歸草梔翹等分秤童便蜜水相和

嚙兩針鵝眠自然甯

溫脾散 治馬翻胃歌曰冬食凍物寒凝胃夜繫霜

天濕地眠初患口中色似血目深鼻腫如拳糞

粗曠吊精神慢吐草傳經四足攢藥用煖胃溫脾

散當歸廣木縮砂甘木樨青陳五味子檳榔豆蔻

棗兼香附麥芽同其使薑棗均和鹽酒煎十朝

五服頻頻嚙月餘之外自安痊

秦芫丸 治馬脫肛歌曰驢馬因何患脫肛只緣努

力臟中傷風吹硬冷難收縮弓腰努轉痛難當前

去腫茄溫藥洗歸朮木樨與茴香薑桂青陳川練

草酒葱煎嚙當時康

茴香散 治馬冷拖後脚西江月云良驥冷拖後脚

茴香練子青皮胡巴破故與陳皮官桂木通巴戟

黑豆筆茄豆蔻細辛藁本當歸鹽酒調勻冷火煨

初患不過兩劑

消積平胃散 治馬傷科不食草歌曰甘草山查香

附子砂仁木樨與陳皮薑棗水調煎一沸料傷草

少瀧之愈。

麥藥散 治馬傷科歌曰馬因穀料過多養胃火流

行五臟傳精神困倦渾如醉行步拘然亦似攢羅

菊麥藥生搗用枳壳山查神麴研木槿青皮加國

老生薑薑便共相兼白湯半盞同調嚙一劑須教

得自然

玄參散 治馬久啞不止歌曰歸蒼連葉大黃參梔夏

柴胡各立分飛礬油蜜相兼用白湯調灌嗽除根

白朮散安胎西江月云白朮當歸熟地川芎芍藥人

參柴蘇甘草共砂仁陳橘黃芩等分阿膠一味麵炒

生薑五片搗勻良馬腹痛動胎疼水煎灌下即穩

秦芎散 治馬尿血歌曰羸馬遙行負重傷小腸積血

注膀胱毛焦臍吊頭垂地精神漸減越尋常秦芎壘

麥車煎子歸蒼芍粉共蒲黃梔草大黃同其使竹葉

煎湯調嚙康

連翹散 治馬低頭難轉西江月云二母連翹山藥當

歸紫蘇兜鈴甜瓜白芷共莖根杏仁桔梗等分蜂蜜

薑生白水調煎三沸停溫低頭不得項腰痛三服須
教必應

烏梅散 治新駒爛瀉歌曰新駒爛瀉糞如漿臥地回

頭顧兩相乘熱渴飢食熱爛三陽相引到空腸烏梅

乾柿同為末黃連柏子共薑黃溫水調和同其嚙便

是師皇真藥方

子思散 治新駒爛病不食草乳歌曰新駒肺病乳不

渣升麻黃藥及黃連生地蔚金并蘇子蜜水同調嚙

便安

升麻散 治馬低頭難轉肺病鼻內出膿歌曰驛臨項

怪鼻流膿歸尤知母及茵陳桔貝升甘同曰可杏仁

芍藥與兜鈴蜂蜜二兩薑三斤盞水相兼共一升調

煎三沸溫和嚙三服之內顯功効

黃芩散 金駒馬喉骨脹歌曰駒馬鼻中流白膿飛礬

黃芩與蔚金每服五錢蜜一兩并花調嚙即除根

千金散 治馬揭鞍破傷及諸風病西江月枳朮芎阿

莢藜霍荆橘溲南星兩鳥三附及天雄二活雙麻等

分。皂射辛砂蟬壳。蠶殭蛇蝎蜈蚣。蔓荆旋覆與防風。養酒能醫表症。

雪花散。治馬精結喉骨脹熱感喘。歌曰：熱發三喉心。肺極。穢硝黃丹寒水石。猪脂調和。嚙入喉。二喉喘甚當時息。

▲療馬良方（內有藥名與前相同而處方治病各異故兩錄之）

治瘡黃

降氣散。治馬鬱結而成黃腫。黃芩。黃連。蒼朮。知母。酒炒。黃柏。酒炒。香附子。木香。少許。右件各等分。為末。每服二兩。溫水一大盞。同調嚙之。

消黃散。治馬一切熱毒及諸黃腫病。知母。黃藥子。梔子。黃芩。大黃。甘草。貝母。白藥子。連翹。黃連。鬱金。樸硝。右為末。每服二兩。蜜一兩。鷄子清一雙。漿水同調嚙之。

雄黃散。塗馬腫黃方。雄黃。白芨。白蘞。龍骨。大黃。右研細末。并花水調勻塗之。腫處如乾再塗之。

治疔毒凡十四方

續斷散。治馬黑疔瘡。續斷。鼠糞。乾葦燒灰。皂角燒存性。右件為末。錯打麵糊調勻。藥末塗之。立瘥。草烏散。治馬筋疔氣疔瘡。草烏。去尖。巴豆。去油。杏仁。斑猫。藜蘆。右件五味。搗羅為細末。防風散。煎湯洗淨乾貼之。

孽藤散。治馬血疔瘡。草烏。孽藤。穿三甲。虻虫。礞砂。龍骨。已上五味。各等分。共研細末。防風湯洗淨乾貼之。鳴金膏。治馬水疔瘡。巴豆。烏豆。瀝青。血蝎。紅娘子。以上各等分。研為細末。防風湯洗淨乾貼之。立瘥。

防風湯。洗馬五疔瘡。防風。荆芥。花椒。薄荷。苦參。黃柏。右為咀片。清水不拘多寡。調煎二沸。去滓。候溫洗之。雄黃散。治馬陰毒癰瘡。砒霜。雄黃。雌黃。輕粉。珊瑚。右為細末。麵為尖丸。如棗核大。用針刺破。任藥一丸。

黃柏散。治馬陽毒脊背肥瘡。黃柏。當歸。大黃。白芨。白蘞。防風。以上各等分。研為細末。以醋調勻塗之。瘡上立瘥。

青黛散治馬心毒舌上生瘡青黛黃柏訶子白礬飛過以上各等分爲研細末蜜水拌勻裝生絹袋內口內噴之

白礬散治馬肝毒眼下赤瘡白礬飛過硃砂輕粉黃丹右爲細末水洗淨乾貼之

秦朮散治馬脾毒唇腫生瘡秦朮鹽豉黃柏炒鹽右件等分研爲細末好醋調勻塗之唇上立瘥

乳香散治馬肺毒毛燥尾鬃脫落烏賊骨三兩白礬二兩飛乳香半兩右件爲細末血療防風湯洗淨之乾貼之乾瘻油塗之

瀝青膏治馬骨毒漏蹄血毒枯蹄病紫礦麻黃瀝青黃蠟頭髮灰一名血餘右爲末洛作膏漏蹄利刀削開出了膿搥塗膏鈇補之死蹄把前把後削去便甲塗膏於上火燒鐵器烙之

龍骨散治馬筋毒躁蹄寸碗生瘡龍骨白礬飛乳香爲賊魚骨右件各分研爲細末漿水洗淨乾貼之效矣

木髓散治馬氣毒鼻孔準頭破裂風瘡木鱉子出衣粉穿山甲黃柏右爲細末醋打麵糊熬成膏塗之鼻準隔日再塗三日愈

治咳嗽

白芨散治馬傷熱肺傷咳嗽及喘息有音轉流膿涕白芨茵陳梔子甘草黃連以上各四兩防風四兩杏仁半斤阿膠二兩右爲末每服二兩瓜萋穰一個研細末一升煎三沸飽嚥之

防已散治馬肺咳不止大便屁出遺糞病漢防已白牽牛款冬花桑白皮陳皮甘草知母黃柏木通杏仁去皮尖右爲末每服一兩蜜二兩薑三片水一升煎三沸草後嚥之

連翹散治馬勞傷心咳怔忡不寧咳動前蹄跪地連翹桔梗貝母杏仁去皮白芷知母當歸山藥紫蘇子瓜萋仁馬兜鈴甜瓜子右爲末每服土兩蜜二兩薑三片水一升煎三沸草後嚥之

螺青散治馬心咳日久不愈頭垂於地螺青二兩知

母二兩。貝母二兩。薄荷二兩。鬱金一兩。川芎一兩。牛
蒡子二兩。右爲末。每服二兩。蜜二兩。漿水一升。同煎
三沸。草後嚥之。

治起臥

氣滑散。治馬非時起臥腹痛。木通。滑石。瞿麥。青皮。細
辛。茴香。蒼朮。牽牛。陳皮。續隨子。甘遂。當歸。右爲末。每
服二兩。水半升。酒半升。同煎三沸。嚥之。
厚樸散。治馬喫着冷水腹痛起臥。方厚樸。桂心。細辛。
當歸。茴香。白芷。青皮。陳皮。右件爲末。每服兩半。飛鹽
三錢。溫酒一大碗。同調嚥之。

治臟結

續隨散。治馬大便不通。腹脹起臥病。續隨子。木通。滑
石。大戟。牽牛。鼠糞。膩粉。酥油。皂角。炒右件爲末。每服
二兩。生油四兩。苦酒一升。煎沸。大黃。朴硝。各一兩。候
溫。加初滾鮮魚沫湯一盞。同和嚥之。
九龍轉江散。治馬七結。大黃。滑石。皂角。炙。木通。各二
斤。白朮。二兩。茯苓。三兩。瞿麥。當歸。茴香。各一兩。右爲

細末。每服二兩。生油四兩。苦酒一升。溫熱同調嚥之。
導糞散。治馬臟結腹痛起臥糞澁不下。肥皂。五個。去
皮。子。草。烏。二十個。甘遂。二錢。海金沙。三錢。半。搗羅爲
末。先用生油一兩。和溫水灌入肛門。次用葱白汁搗
藥。送入谷道。廣揚中。遠行百餘步。糞即能下。

治咽喉

濟世消黃散。治馬熱青槽結喉骨脈。嚙水草。雜病。款
冬。花。白。藥。子。黃。藥。子。山。梔。子。知。母。貝。母。大。黃。黃。連。秦
芩。蔚。金。黃。芩。甘。草。黃。柏。右。爲。末。每。服。二。兩。蜜。一。兩。雞
清。一。雙。朴。硝。一。兩。漿。水。一。升。同。調。草。後。嚥。之。
百合散。治馬鼻內出膿。方。百。合。貝。母。大。黃。甘。草。瓜。裏
根。右。爲。末。每。服。一。兩。蜜。一。兩。蕎。麥。一。匙。蘿。蔔。湯。一。盞
同調嚥。

治眼目

青箱子散。治馬骨眼磨。眼睛腫。淚下。青箱子。草。決。明。
井。泉。石。龍。膽。草。石。決。明。蟬。壳。木。賊。黃。連。黃。芩。蔚。金。蒼
朮。防。風。菊。花。甘。草。右。爲。末。每。服。三。兩。雞。子。清。一。雙。猪

膽半盞。漿水一升。同調草飽嚙之即效。

決明散。治馬外障。眼睛生白膜。梔子。大黃。黃芪。蔚金。

黃芩。黃連。沒藥。白藥子。黃藥子。草決明。石決明。右為

末。每服二兩。雞清一雙。漿水一升。調草飽嚙。

瀉肝散。治馬內障。眼黑。眼先清。梔子。後變綠色。石決明。

草決明。青箱子。龍膽草。旋覆花。山梔子。黃連。甘草。蔚

金。右為末。每服一兩。水一升。細切羊肝三兩。勻草後

嚙之。

治點痛

止痛散。治馬因傷胸膈。脊腰積聚。惡血不散。不食水

草。防風。連翹。官桂。水蛭。炒出烟。當歸。柴胡。羌活。射香

少許。右為末。每服兩半。酒半升。同煎三沸。候溫嚙之。

定痛散。治馬撲跌。損傷筋骨。和血定痛。全當歸。三錢。

鶴虱。三錢。乳香。沒藥。血竭。右為末。紅花。三錢。酒一升。

同煎三沸。入小便半盞嚙之。

治五臟

麻黃散。治馬心臟虛熱。天南星。白附子。白僵。白痰。藜

海桐皮。黑附子。乾蝸。烏蛇。麻黃。川芎。防風。甘草。天麻。藜。本。桂心。以上各等分。為末。每服二兩。溫酒一升。同

調灌之。

大黃散。治馬心臟熱。草慢。并鼻內血出。藥子。款冬花。

黃芩。貝母。梔子。蔚金。白藥子。黃柏。秦朮。黃連。大黃。甘

草。右件各等分。為末。每服兩半。蜜一兩。水半升。同調

嚙之。

龍骨散。治馬心熱。舌上生瘡。龍骨。飛。黃丹。飛。白。芩。白

薇。猪。糞。燒。灰。以上各等分。搗為末。舌上有瘡。乾貼之

即效。

黃連散。治馬肝黃。四蹄如柱。捧動。到坐。而倒。黃連。天

門。冬。麥。門。冬。大黃。知母。貝母。蔚金。黃藥子。山梔子。黃

芩。黃耆。右為末。每服一兩。雞子清。二枚。生地。黃。一兩。

搗碎。水半升。灌之。

補腎散。治馬蟲食肝病。兩目如睡。頻頻。搐頭。頭低。耳

搭。黃藥子。石決明。白蕪。羨。白藥子。草決明。龍膽草。大

黃。秦朮。知母。貝母。乾地黃。右為末。每服兩半。蜜四兩。

醋一合。陳漿水一碗。同調草後嚙之。

秦芃散。治馬脾寒打顛不食水草冷傷腸痛病。秦芃當歸兜鈴貝母芍藥桔梗枇杷葉瓜蒌根。右為末。每服兩半。薑三片。水一升。同煎三沸。入童便半碗。候溫嚙之。效矣。

桂心散。治馬飲冷過多傷脾作泄瀉。桂心厚朴當歸細辛青皮牽牛陳皮桑白皮各為末。每服兩半。溫水半碗。童便一碗。同調嚙之。

紫蘇散。治馬肺病鼻濕毛焦喘露前探胸膊一切痛病。紫蘇葉苦葶藶茯苓甘草貝母防風當歸桔梗木通牽牛。右為末。每服兩半。薑三片。水一升。同煎三五沸。草後嚙之。

貝母散。治馬肺熱喘露及咳。貝母梔子桔梗甘草杏仁紫苑牛蒡子。百部根以上各等分。為末。每服兩半。水一升。同煎二三沸。候草後嚙之。

防風散。治馬腎風腰硬。把前把後防風獨活連翹升麻柴胡黑附子烏藥羌活當歸甘草葛根山藥。右等

分爲末。每服四兩。水一碗。同煎三五沸。候溫嚙之。巴戟散。治馬腎痛後脚難移。巴戟茴香檳榔肉桂陳皮肉豆蔻肉蓯蓉金鈴子。破故紙葫蘆巴木通青皮。右為末。每服二兩。細切青葱三根。溫酒一碗。小便半盞。同調空草嚙之。

雜治

獨活散。治馬五勞七傷腰膝痛。獨活羌活防風甘草炙肉桂澤瀉黃柏酒浸。大黃各二兩。當歸桃仁連翹各半兩。漢防已。右件為末。每服一兩。水半碗。酒半碗。同煎三沸。熱嚙之。

神麴散。治馬傷料腹痛起臥方。神麴麥蘖牽牛木通山查子。右為末。每服二兩。粟米粥一盞。調勻嚙之。新水漱口。鼻效。

豆蔻散。治馬停留宿水。儉瘦病。肉豆蔻白芍藥金鈴子。葶澄茄當歸甘草砂仁肉桂細辛厚朴青皮陳皮。右為末。每服二兩。青葱三枝。溫酒一升。同調嚙之。

厚朴散。治馬傷水。厚朴當歸甘草青皮陳皮益智牽

牛細辛。蒼朮。右為末。每服二兩。炒鹽三錢。葱三枝。溫酒一升。同調嚙之。

當歸散。治馬負重勞傷太過。毛焦草慢羸瘦病。當歸。沒藥。乳香。血竭。玄參。青皮。知母。川芎。五靈脂。元胡索。自然銅。右為末。每服二兩。葱二枝。溫酒一碗。入童便半盞。同調嚙。

天麻散。治馬破傷風。天麻。白附子。炮。蟬蛻。天南星。烏蛇。酒浸。去骨。半夏。防風。菴香。川烏。炮。蔓荊子。乾蝎。炒。加射香。硃砂。膩粉。以上一分。另研。右為末。每服三錢。入射香。硃砂。膩粉。拌勻。溫酒半碗。調嚙。

天麻散。治馬揭鞍風及諸風病。天麻一兩。白附子半兩。炮。南星半兩。半夏半兩。川烏三錢。炮。麻黃。乾蝎。炮。烏蛇。酒浸。蔓荊子半兩。硃砂一錢。另研。右為末。每服三錢。入硃砂。拌勻。豆淋酒半盞。同調嚙之。豆淋酒用黑豆半升。炒。令出烟。以酒一升入之。

玉金散。治馬奔走太急。小便當溺失溺。變作胞轉。令馬腹脹。蹲腰起臥。撥正膀胱。溺洩出後。灌此藥。玉金

甘遂。升麻。紫菀。黃芩。朴硝。已上等分。為末。每服一兩。蜜一兩。油四兩。溫水一碗。同調嚙之。

婆石散。治馬屎血。婆石。當歸。雲藍根。蒲黃。白礬。飛紅。花。荷葉。右等分。為末。每服兩半。溫酒半升。同調嚙之。

雄黃散。敷馬諸般腫毒及筋骨脹大。雄黃。川椒。白芨。白蘇。草。烏。官。桂。大。黃。硫。黃。白。芥。子。芸。臺。子。右。為。細。末。每。用。一。大。匙。麵。一。匙。醋。一。碗。同。熬。熟。敷。腫。處。立。效。牡。蠣。散。塗。馬。袖。口。陰。腫。塗。搽。消。腫。毒。牡。蠣。燒。過。縮。砂。天。南。星。天。仙。子。木。別。子。右。為。細。末。每。用。一。大。匙。醋。一

盞。勻。煎。熱。以。膏。熱。塗。腫。處。自。消。豬。脂。膏。治。馬。枯。死。蹄。甲。血。毒。痛。豬。脂。四。兩。熬。油。去。渣。生。薑。二。兩。臙。胡。桃。仁。兩。半。燒。灰。爐。甘。石。一。兩。為。末。右。件。四。味。文。武。火。熬。成。膏。溫。水。洗。過。待。乾。塗。之。次。日。再。塗。

定粉粒。治馬花瘡。定粉五分。砒霜三錢。膩粉五分。菴豆二百粒。右四味一處不住。搗為細末。水洗過。乾貼。

之。三次效。

礪砂散。治馬療蹄。礪砂一兩。黃丹一錢。右件二味。同研爲細末。羊骨髓調勻搽之。

乳香散。治馬乾濕癰。乳香五錢。烏賊魚骨三兩。白礬二兩。飛右三味。搗羅爲細末。乾癢油調搽之。濕癢乾貼之。

洗疥方。洗馬疥燥。馬脹根。臭椿皮。白蕪荑。芥芽。蘆皂。角。裴。蘆。藓。茹。右爲末。每用一大匙。薑汁三升。同煎三沸。入生油少許洗之。

塗疥方。治馬乾燥。蘭茹。膩粉。藜蘆。牙皂。桔梗。臭椿皮。馬脹根。右等分。搗羅爲細末。先用瓦子擦破油調勻末塗之。

搽疥方。狼糞四兩。巴豆四兩泡。雄黃三錢。輕粉三錢。右搗羅爲細末。以生油燒熱調勻搽之。隔日再搽之。

江湖醫術祕傳
卷九
馬醫科祕訣